

## **Universitätsbibliothek Paderborn**

### **Instructio Practica ...**

De Conversatione Apostolica A Curatoribus Animarum piè & fructosè  
instituenda - Complectens vatos & solidos modos juvandi & consolandi  
diversorum Statuum Personas afflictas, præcipuè ægras & captivas

**Lohner, Tobias**

**Dilingae, 1677**

§. 3. Quomodo pauperes sint consolandi.

[urn:nbn:de:hbz:466:1-48248](#)

Si ergo in vestris etiam tribulationibus non id , quod brevi tempore cruciat , sed quod æternum deiecitabit , spectate , & cum S. Paulo dicetis : *Repletus sum consolatione , superabundo gaudio in omni tribulazione nostra , 2. Cor. 11.*

## §. III.

Quomodo pauperes sint consolandi.

**H**i gemina præcipue consolatione indigent , quia duplice plerumque afflictione & tristitia cruciantur , quarum prima oritur ex ipsa Statu sui vilitate & abjectione ; pro qua lenienda sic eos consoletur Operarius . & 1. proponat illis exemplum Christi , qui , ut S. Paulus 2. ad Corinth. c. 8. ait : *Propter vos egenus factus est , cum esset dives ; si ergo solatum est miseris socios habere , quantum erit solatum pauperi , paupertatis socium habere ipsum DEUM ?* 2. Revocet illis in memoriam , quot millia sapientissimorum virorum & sanctissimorum sponte amplexi sint paupertatem , ut essent similiores filio DEI ; quidni ergo & ipsi gaudeant , ultro à DEO oblatam hanc gratiam , quam alij per magnas difficultates & certamina quæsierunt ? 3. Jubeat meminisse , vitam nostram similem esse Comœdiæ ; ut ergo Actor libenter per diem personam mendici vel rustici gerit , si speret , se Regi aulicisque per eam magis placitum , & majus præmium obtentur ; ita & ipsi libenter vilem suam personam per unicum vitæ diem sustineant , ut DEO , Cœlitibüsque magis placeant , & merita sua multiplicent . 4. Ostendat talem & tantum esse quemlibet hominum , qualis & quantus est apud DEUM , atque adeò illum esse in hac vita dignorem , qui sanctior est ; hauc ergo dignitatem obtainere cum in ipsorum sit potestate , cur doleant , se falsa gloria , honoribüsque carere ? 5. Demonstret , quod DEUS divitias illis non dederit , specialis favoris loco habendum ; indicium enim est , DEUM hic velle curam eorum habere , atque eos in altera vita ditare regno illo , quod pauperibus promisit ; etiam ipsos in hac vita à curis , quas divitiae afferunt , liberos esse , & annos suos in vera pace transfigere . Ad quem finem proderit narrare historiam de Fabro illo ferrario , quem cum Vicinus dives toto die cantantem audijset , quondam marsupium pecuniâ plenum in officinam



conjectit; quo ille invento mox curis obrutus de pecunia se vanda & augenda, à cantu abstinuit, neque eum resumpfit, de nec vicinus detecto consilio suā pecuniam repetit. §. Revocet illis in memoriam Christi promissionem, quā Matt. dixit: *Beati pauperes Spiritu* (id est, qui libenter paupertatē tolerant amore DEI) quoniam ipsorum est regnum cœlorum: & hoc jubeat felicitatem ac dignitatem suam aestimare. Ver enim, ut S. Augustinus S. 15. de verb. Apost. loquitur, magna felicitatis est conditio Christianorum, quibus claritudo regni paupertate posita est, & quibus datum est, ut paupertatem faciant premium regni cœlorum. Non ergo tibi, ait idem Sanctus S. 28. displiceat paupertas tua, nihil enim potes ditiū invenire, tu nō es, quām locuples sit? cœlum emit; quibus thesaurus conservari possit, quod Pauperibus videmus indultum? ut ad regnum cœlorum veniret dives, possessione sua obtinere non potuit; nunc obtinet, ut contemptu perveniat.

II. Altera tentatio, eaque gravior oritur ex timore de victu & vestitu quotidiano parando; contra quam sic munierunt eos: 1. Declaret illis, quantam DEUS semper curam se habeturum pauperum promiserit, & actu habuerit, ut merito. Psalmista Ps. 10. dixerit, quod oculi ejus in pauperem respiciant, diligenter scilicet considerantes, ne aliquid ei desit, nam illi derelictus est pauper. eodem teste ps. 9. unde jam olim etiam apud Ethnicos, teste Menandro Epist. 28. pauperes affirmabantur Deorum esse. Quām vero fideliter steterit DEUS promissis, id unum indicio satis esse potest, quod S. David dicit Ps. 36. *Iunior fui, etenim servus, & non vidi iustum derelictum, nec semen eius querens panem.* Divites eguerunt & exquirerunt, inquirentes autem Dominum non minuentur omnib[us]. 2. Declaret illis, quantopere DEO placeat fiducia in illum: nam Blofius scribit in monili c. 11. quod Christus quandam S. Gertrudi dixerit: *Fiducia illa, quam homo in me solo collacit, credendo, posse scire & velle me ipsum fiducialiter iuvare in omnibus, cor mihi transfigit, tantamque pietati mea & violentiam facit, ut non possim non ei gratificari, & manus porrigere obsequium, quem ex eo, quod totus a me pendeat, capio.* S. Mechtili[us] vero quandam dixit; *Impossible est, ut, quod quis sancte de me credidis, & consequi speravit, non obtineat, cum ipsum hoc regni promiserim.* Mihi igitur fidat, qui grandia a me expectat. Quis

ergo ad eum non fugiat , si tantoperè hæc fiducia ei placet ?  
 Si Princeps promulgari juberet , nihil ei magis placitum ,  
 quam si cives , quotiescumque re aliquâ indigerent , ad eum  
 confugerent; eamque audacter petetent , quis civium foret , qui  
 non sapissimè , imò assiduò ad ipsum confugeret : & tamen hic  
 Princeps tum proptet fragilitatem , tum propter limitatas di-  
 vitias fallere posset ; cum ergò DEUS summè verax & potens  
 simile decretum promulgari jussit , imò ipse promulgaverit ,  
 dum dixit ; *Petite & accipietis* , &c. Joan. 16. an non maximâ  
 cum fiduciâ ad eum confugiendum erit ? 3. Demonstret il-  
 lis , quot titulos habeat qui vis homo justus ad omnia necessa-  
 ria à DEO speranda . Primus est , quod *homo* sit ; si enim DE-  
 US lilia agri & volucres cœli tam sollicitè nutrit ; an ipsius  
 hominis , propter quem omnia illa condidit , non majorem ra-  
 tionem habebit ? Secundus titulus est , quod *redemptus* sit ; quis  
 enim ovem aut equum , aliud ve animal , quod magno pretio  
 emit , fame perire sinit ; quantò minus ergò DEUS hominem  
 pretioso sanguine suo emptum & redemptum necessarijs ad  
 vitam subsidiis destituet ? Tertius est , quod sit *Christianus* ;  
 quis ignorat , quantam curam DEUS Israelitarum habuerit ?  
 quâ charitate & sollicitudine illis manna de cœlo tot annis ,  
 coturnices , aquam de petra providerit ? & Christianis , qui ve-  
 ti Israëlitæ sunt , quorum illi figura erant , viçtum quotidiaz-  
 num negabit ? aut certè populo se sequenti per tantum mira-  
 colum panem datum credemus , & Christianis non corpore , sed  
 animo : non pede , sed affectu ; non gressu , sed virtutis studio  
 ipsum sequentibus ac imitantibus necessaria alimenta nega-  
 turum existimabimus ? Quartus titulus est , quod *servus* sit ;  
 quis nescit , quantâ curâ viçtum subministremus etiam brutis  
 servientibus nobis ? si vero servum naeti sumus fidelem & u-  
 tilem , quâm ægrè dimittimus ? an igitur minorem charita-  
 tem à DEO sperabimus ? an nescimus , quantâ curâ fidelem  
 servum suum David protexerit , & conservârit ? quâm sollicitè  
 Eliam per corvum aluerit ? quâm liberaliter Jobo , cui similis  
 in tetra tum temporis servus repertus non erat , duplicitia resti-  
 tuerit ? Quintus titulus est , quod sit *Amicus DEI* ; quis Ami-  
 cum sibi gratum deserit ? quis nescit , Amicorum omnia esse  
 communia ? si ergò DEUS hanc consuetudinem adeò servare  
 decrevit , ut etiam scipsum Amicis suis dare statuerit , an in-

quotidianis alimentis suppeditandis eam transgressurus  
detur? Certè ad fiduciam orationis adhortaturus, Amici po-  
nem iteratò petentis exemplo usus est, ut indicaret, huncē  
specialem titulum, ob quem non facilè quid negari possippe-  
tentí. Sextus titulus est, quod sit *filius*; Si enim ipsa etiam  
bruta tam sollicitè pullos suos alunt; an DEO hanc provi-  
dentiam adimemus? An infans, si ratione præditus esset, præ-  
denter dubitare possét, num mater eum lactatura esset, & eda-  
catura? & quisquam dubitabit, num DEUS filios gratia su-  
stentaturus sit, quibus per Isaiam dixit; *Nunquid obliuisci potes*  
*mulier infantem suum?* quod si illa oblitera fuerit, ego non obliu-  
scar tui, Isaiae cap. 49. Septimus titulus est, quod sit *Sponsus*  
DEI; quis unquam audivit, Sponsam regiam à Sponso deser-  
tam esse; si illa bene se gessit? Certè Assverus Estheri dimi-  
dium regni obtulit; quantò magis daturus fuisset, si victum  
tantum petiisset? An Rex cœlestis à terreno se vinci patietur?  
Hos ergò titulos bene perpendere pauperes jubeat Operarius,  
certoque promittat, iis non modicè fiduciam auctum iri; si-  
nim, qui litteras septem sigillis munitas à Rego accepisset,  
quibus ei victimum promitteret, minimè dubitarer, quin Re-  
promissis staturus esset, quantò minus de DEO, qui septem hos  
titulos tam benignè largitus est, dubitare fas erit? Id unum  
ergò singulari cura current pauperes, ut mandata DEI serventes  
orationem frequentent, patientiam in adversis non deserant,  
de cœtero omnem solicitudinem in DEUM conjitant, & tam  
ipsi in ore ac mente assiduò habeant, quam etiam filios suos  
doceant versiculum illum, quem S. Franciscus discipulis suis  
pro viatico obtulit: *Iacta super Dominum curam tuam, & ipsi*  
*te enurusset.* Meminerint quoque illius dicti, quod Christus S.  
Catharinæ Senensi dixit: *Cogita tu de me, & ego cogitabo de te.*

## §. VI.

Quomodo consolandi sint, qui bonorum tem-  
poralium jacturam sunt passi.

I. **A**nte omnia talibus Personis persuadendum est, eos  
non Dominos esse, sed Administratores duntaxat, at-  
que adeò, sicut hi, cum Dominus de bonis, quæ illorum admi-  
nistratiōni commisit, ipse met disponit, ea que eripit illis, non